

《玄天上帝金科玉律真經》

淨心神咒

太上台星。應變無停。驅邪縛魅。
保命護身。智慧明淨。心神安寧。
三魂永久。魄無喪傾。
急急如律令。

淨口神咒

丹朱口神。吐穢除氣。舌神正倫。

通命養神。羅千齒神。卻邪衛真。
喉神虎賁。氣神引津。心神丹元。
令我通真。思神鍊液。道氣長存。
急急如律令。

淨身神咒

靈寶天尊。安慰身形。弟子魂魄。
五臟玄冥。青龍白虎。隊仗紛紛。
朱雀玄武。侍衛我身。急急如律令。

安土地神咒

元始安鎮。普告萬靈。嶽瀆真官。
上下祇神。左社右稷。不得妄驚。
回向正道。內外澄清。各安方位。
備守家庭。太上有命。搜捕邪精。
護法神王。保衛誦經。皈依大道。
元亨利貞。急急如律令。

淨天地神咒

天地自然。穢氣分散。洞中玄虛。
晃朗太元。八方威神。使我自然。
靈寶符命。普告九天。乾羅答那。
洞光太玄。斬妖縛邪。渡人萬千。
中山神咒。元始玉文。持誦一遍。
卻病延年。按行五嶽。八海知聞。
魔王束手。侍衛我軒。凶穢消散。
道氣長存。急急如律令。

祝香神咒

道由心學。心假傳香。香爇玉爐。
心存帝前。真靈下盼。仙佩臨軒。
今生關告。逕達九天。

金光神咒

天地玄宗。萬氣本根。廣修萬劫。
證吾神通。三界內外。惟道獨尊。
體有金光。覆映吾身。

視之不見。聽之不聞。包羅天地。
養育群生。誦之萬遍。身有光明。
三界侍衛。吾帝司迎。萬神朝禮。
役使雷霆。鬼妖喪膽。精怪亡形。
內有霹靂。雷神隱名。洞慧交徹。
五氣騰騰。金光速現。覆護真人。
急急如 玉皇光降律令敕

恭請

玄天上帝寶誥至心皈命禮

混元六天。傳法教主。修真悟道。濟
渡群迷。普惠眾生。消除災障。八十
二化。三教祖師。大慈大悲。救苦救
難。三元都總管。九天遊奕使。左天
罡。北極右垣大將軍。鎮天助順。真
武靈應。福德衍慶。仁慈正烈。協運

真君。治世福神。玉虛師相。玄天上
帝。金闕化身。蕩魔大天尊。

敬 誦

玄天上帝金科玉律真經

吾（帝）號治世福神。鎮北天大將軍。
遊巡諸天諸地。掌握世界乾坤。
扶助末劫天道。護佑國王大臣。
不忍五濁惡世。眾生受苦遭辛。

旱澇饑饉疾疫。水火劫盜刀兵。
天下江南江北。朝病暮死七分。
五向三元八節。三會五臘生辰。
斗降七齊三七。本命甲子庚申。
臘月二十五日。親隨玉帝降臨。
統率千真萬聖。檢察下界人民。
紀錄作善作惡。較量罪福重輕。
輕乃減死一半。重則死絕滅門。

善者得見天日。惡者不見太平。
信者得度末劫。不信喪命亡魂。
檢舉不忠不孝。鈔錄無義無仁。
貧不安分守己。富不念老憐貧。
輕重長短秤尺。大小斛石斗升。
買賣欺瞞良善。交關舉用不平。
使盡機關腸肚。惡心害眾欺群。
兩舌惡口鬥亂。教唆州縣鄉村。

恣意慳貪嫉妒。是非人我爭嗔。
不識善惡因果。不畏天地神明。
強兇不得老死。結冤促壽除齡。
故遣天將鈔錄。疥癬麻痘災瘟。
直磨鐵杵成針。肚痛赤眼瀉痢。
惡瘡膿血淋漓。咽喉急風唾毒。
寒熱咳嗽呻吟。打算未盡劫數。
十磨九難不輕。天譴帝王治世。

滅除惡黨紛紛。似帝當初學道。
直磨鐵杵成針。治盡不平等輩。
方始大地成金。諭勸世人敬信。
聽吾（帝）旨說叮嚀。
不可聽聞藐藐。各依戒律諄諄。
漸見太平年到。上元甲子當旬。
自此風調雨順。田蠶五穀豐登。
天下太平樂業。人民歌詠懽忻。

到此人身難得。各宜修省思尋。
更有泰山東嶽。速報立報司存。
莫道造惡不報。直待惡貫滿盈。
莫道修善無應。直待善果圓成。
若有人間私語。天上聽若雷霆。
不可欺心暗室。神目如電光熒。
陰陽誤喪人命。觸犯地曜天星。
醫藥誤傷人命。方脈指下不明。

僧道師人積罪。貪求施利食葷。
善信誦經有罪。差訛字句不真。
溺死兒女有罪。千生萬劫冤親。
切戒殺食物命。放火燒害山林。
積累無邊罪孽。冤冤報屈難伸。
切莫殺食牛犬。免墮萬劫沉淪。
告報行法弟子。天條不可不遵。
愛惜一切字紙。遇諸水火漂焚。

帝德好生惡殺。簿書日夜具呈。
陽有陽間罪孽。陰有陰司典刑。
請看冥司錄載。太上感應篇云：
造作善善惡惡。報應如影隨形。
一勸敬重天地。心香一炷晨昏。
二勸孝養父母。堂前生佛二尊。
三勸皈依三寶。儒釋道教同倫。
四勸修齋布施。報答四重恩深。

五勸善男信女。持齋念佛看經。
六勸州縣官吏。治民如水之清。
七勸救濟孤殍。四生六道苦輪。
八勸富家布施。架橋造路修因。
九勸九流技藝。三六九字同倫。
十勸廣行陰鷲。福及子子孫孫。
但存方寸心地。留與後代耕耘。
所作總依本分。與人方便樸淳。

若以遞相傳寫。吾（帝）當護汝於陰。
家有一卷供養。全家老幼安寧。
身有一卷佩帶。免遭一切災迍。
若寫五卷奉勸。壽增半紀餘齡。
若寫十卷奉勸。一紀壽算增新。
印施百千萬卷。名同佑聖真君。
當境城隍里社。歡喜保舉奏聞。
三界四府列祠。吾（帝）同保奏天庭。

北府消除罪籍。南司注上生名。
現存獲福無量。九玄七祖超昇。
上號全科玉律。下曰勸世戒文。
更有能行正直。不昧陰空鬼神。
不以祭享加福。不以不祭生咎。
有福休誇俊麗。無福休怨鬼神。
欲知前世因果。今生受者之身。
欲知後世因果。今生作者之心。

人能知時速改。切莫更待環循。

上帝敕示戒語。留傳往古來今。

玄天上帝格言

矯妄求榮。名譽不揚。
剋剝致富。子孫遺殃。
施恩布德。福祿來祥。
寡欲薄味。壽命彌長。
毋欺暗室。毋昧三光。

正直無私。志心忠良。
天地介祉。神明毀謗。
延生度厄。必濟時康。

（玄天上帝金科玉律真經終）